

中国边疆研究资料文库·边疆史地文献初编

東北邊疆

第二輯

中国边疆研究资料文库·边疆史地文献初编

東北邊疆

第二輯

呼蘭府志

紹興朱慶瀾書

序

往余督東三省顧念強鄰逼處藩圉空虛慨焉欲有所興作一振窳弱之積勢而龍江一區密邇俄邊尤爲遼遠荒落嘗默察其大勢外交兵政扼要在呼倫貝爾及沿邊卡倫而民治則當集重於州縣爰所編東三省政略一書於其綱領鵠志言之詳矣呼蘭河流爲僑民興墾所集鐵軌旣通人煙益萃自同治間始設理事同知爾後升爲府分立巴彥蘭西木蘭各縣於是民治規模稍稍具矣余以爲門戶不修非所以安堂奧也是以一經營興築環叩呼倫諸道次第設置將欲緣飾窮荒藉固吾圉而治民之責則一

呼蘭守黃君蒞任躬親案牘其治嚴而不煩鉅細畢舉治事之暇撰集府志一編綱目張於內政外交兵賦諸大端頗能述其厯略其從政之才亦可見矣夫有土有人而統治之以官官也者所以保障一土者也自官不任職於是土地不闢民事不理百爲廢散壞而益增從而生心有力者至或挈之以去此雖腹地不能保其無變也況介在強鄰之微塞乎民國肇興廢府設道官制又稍變而東北備禦之形不唯無異且視前尤亟焉留心邊事者觀余與黃君之所述倘有恢廓其規而爲國防之至計者乎蓋不獨一州一域之所利賴也已民國二年四月

天津徐世昌

崇仁黃侯申甫守呼蘭二年盡守之所宜盡迺盡凡守所不及
盡者去而纂著呼蘭府志十二卷其爲目曰地理曰政治曰財
賦曰交通曰外交曰祠祀曰學務曰武事曰人物曰禮俗曰物
產曰藝文慶瀾讀之曰志之不修永矣周官大司徒之屬其
土訓則掌道地圖以詔地事道地隱以辨地物而原其生以
詔地事其在誦訓則掌道方志以詔觀事道方隱以知辟忌以
知地志之義例揭櫫於是矣守土者勸於簿書期會之勤或無
意於是其有意者又意爲弘瞻誇世以徇俗至於牽率比附蓋
非其方之事與俗往往枝舉而繫之心之所之謂之志夫弄
其所志而強其心以必之於乎自周以來郡國之志如林朝邑

武功稽簡不能滿寸而獨著於世者豈無故哉黑龍江之隸中國始自有清康熙以前荒漠如太古自康熙以至於今日殆與八中分而主人岌岌不能勝客文與獻一無足徵申甫守葢爾一郡之域而獨有意於是將意爲弘瞻誇世以街俗耶落落數日倭土方訾訾其約及覽其外交之略不驚而中自悸然則申甫心之所之其非一人一心之所之而爲此方之人之心所欲之而不得其嚮者耶列路航伐木之約於先詔其觀已往得失之事也終以交涉條件臚序於后示之愿而詔此方人知所辟忌也他之志用稽古焉耳斯志則斬所以禦夫方來保此主人岌岌不勝之半故論斯志之體吾不敢謂視朝邑武功爲何若

世有短其約而不喻乎申甫之用者吾則敢必瞽而自喪其相
跛而自投所杖若存若亡之呼蘭穀其不數稔乎慶瀾不知其
陋比者亦合羣士而有黑龍江通志之志名之廣狹若異申甫
之志既本乎此方人之心之所之吾宜法之先爲之叙如此民
國四年六月紹興朱慶瀾叙

呼蘭府志目錄

序

例言

圖

地理略第一

政治略第二

財賦略第三

交通略第四

外交略第五

祠祀略第六

呼蘭府志

目錄

學 略第七

武事略第八

人物略第九

禮俗略第十

物產略第十一

藝文略第十二

蘭呼府志卷一

地理略

一疆域

二山嶽

三河川

四城池鄉屯

五氣候

六古蹟

例言

黑龍江五城呼蘭實居其一而建設較後乾隆朝官書如大清一統志滿洲源流考諸書紀呼蘭事特略間或以吉林寧古塔之地當之確知其誤者略爲辨正餘付缺如以志矜慎

呼蘭旗署舊檔全屬清文倩伊車布連福二君繙譯經年所得者以歷年職官戶口節孝名數爲多夫自康熙乾隆以來廟堂所規畫疆吏所設施其檔度無不備維翰不解清文未能自行探討故不無滄海遺珠之憾

黑龍江省舊無省府縣志黑龍江外紀卜魁紀略黑龍江述略諸書文簡而事覈然皆略而不詳此書得之父老傳說者十之

三四得之實地調查十之四五得之於舊記者十之二三

邯鄲志古事今事應並重此書詳略不倫而偏重於人民財賦教育兵事實業外交貢其一得之愚俾爲經世之助

山川主名俱從今稱舊記名稱亦備錄之俾得與遼金元明四史互相印證山嶺高度水源里數則皆約略估計也

實地調查府屬爲高紳玉堂諸君巴彥爲陳牧元慎張紳鎮南孟紳昭漢諸君蘭西則查令貴廉閣令毓善木蘭則馬令六舟陳牧報告書積四巨冊故呼蘭自理地面外以巴彥爲最詳蘭西次之木蘭又次之

此書編輯始於光緒三十四年迄宣統二年脫稿一官轉徙重

以水火疾疫兵戈之事全稿強半散失壬子以後里居無事復搜叢稿補成之視原稿約損十之三四

周禮職方氏爲治輿地學專官維翰讀而好之釋褐後觀政兵部實司職方故治此學尤力歲戊申隨東海師出關獲守茲土私欲網羅放失勒爲一書以補故府圖籍之所未備而文獻無徵學殖又苦荒落書成編爲十二卷叙述淺雜鄙漏不文大雅君子幸匡正之